



鄭繪餘意

完

18
2855



門 18
2855

18
2855

明治八年紀元節

鄭繪餘意

一六居士修題籤



477

祝氏

祝氏

新念圖書
故
龜元郎
在三年
丁酉

三
會
余
意

視
氏

三條公題言


一

如倚

明正己身一月

美字公書





鄭繪餘意叙



余幼時傳聞百歲老人言享保荒饑曰初飛蝗蔽
 天至蝕田禾遂空即已餓莩相望慘哀萬狀不可
 勝詳焉蓋倉廩猶實舊穀非盡沒但有司不
 速興發富豪不速通有無故都鄙一齊窮
 迫耳矣後經見文政甲申大水戊子大風壞田
 傷禾倒屋覆舟其慘寔甚矣時方我北藩困竭
 有司猶能駿奔救濟故有壓溺死而無凍餒
 死深幸不至如享保矣及天保丙申丁酉余在

東武天下又大饑。幕府發令設救濟廠於府
內外數所。作粥食之。余所見斜橋泉橋外沿岸
結三席落。每落四大廠。每廠容三千人。其他數
所視此云。然是特恤府下有藉者。其無藉逃口
流羈之類。令邏卒巡檢。問鄉貫。輒付諸其地
主耶。卒押送歸本貫。日之不絕。諸耶不勝其
勞費。然猶有遺漏。途間往。見面如艾。食目如
蠟肉。而匍匐委頓。將食之掉頭者。蓋食則即絕。
故辭而苟半刻之生耳矣。至如神田門傍岸。僵

尸數十日不收。柳原堤坳。殮瘞腐臭不可嚮邇。
則吏率奉令。有未至身矣。時唯我藩耶。未
嘗有一人勞押送者。余又獲鄉友永山德夫
報曰。我公速發令。先停海陸關津。輸出米穀
諸食物。令國中有財者。貴糶而賤糶。官倉鄉
倉皆發。又頒施海帶。助艱食。故管下四十萬餘
口。未嘗餓一人矣。余所交諸藩士。聞之皆羨焉。
其七月。余遽歸。曉過沿津。見義倉儼然。建
設而衣帛之兒。棄於其傍。望路人追慕之。余

不忍見。真行纏而去。數百步外。猶聞哀號。心肝
如割。濱松間。見大碗出。瘞尸爭食。及二川。余馬
蹶。髑髏幾什。又有餓女。顛暈乎馬前。叫請救。
余所驚神動魄。此類也。至入鄉關。貼然無事。
歸家。始聞吾弟而峙。七百苞。以賤糶於民。其
蒙賞居中等。於是乎知德夫之報信然矣。由
是觀之。有政之國。歲不成災。若欲有政在人。君
不忍之心。純至而相臣幹吏。用心奉體之敏速周
審而已矣。古謂視民如傷。如保赤子。皆期使不忍

之心。純至而用心敏速周審而已矣。湖山小野。侗翁觀
窮民十二圍有感。各係以詩。題曰鄭繪錄意。雖未
適指某歲荒饑。其實就天保弘化以降。屬有所
經見。感傷賦之切於時事。而猶沉托鄭監國畫
為身。余乃再四諷誦。往昔之感。復萌。涕淚橫流。
不自覺也。因謂侗翁斯詩。誠昧諸為民之上者。
感動竦惕之。使其不忍之心。純至而用心敏速周審。
則平歲必有備。凶年必有政。而必不至糜爛蒸民
矣。則斯僅十二篇為致君之誠辭。警世之嫩言。

其有補於天下後世匪淺也。余乃叙昔年之吏於
卷端不憚煩。無者因感興感。庶幾乎有微其誠
嫩之意云爾。維昔明治七年歲在甲戌大暑中依

北南盛富定保



險語破鬼膽

高子好嫵皇墳

錄韓昌黎句以代序


序



新編完一長吁
見者年鄭監國安
得吹噓遠
天福再收萬姓樂樵
薪庶庶以今屬
新世言務賊虐生

本。能。將。法。事。作。啟。鑑。
便是深心度世人。

唐。年。李。冬。立。風。生。日。
同。學。弟。沈。元。邦。作。題。



鄭繪餘意

小野長愿 侗翁 著

蒲生重章 子闇 評點

觀窮民圖卷有感每圖係以一詩 圖山本琴

第一圖霖後田疇渺如大湖

一望如大湖。津涯不可極。本是沃饒地。樹藝宜五穀。
沴氣禍吾民。淫霖幾旬歷。陰風翻濁浪。黯慘無霽色。
只恐耕桑徒。化為魚鱉屬。萬家失生業。相顧空嘆息。
爭得補天穿。世無蝸皇石。

題八字已妙。如讀李嘉祐詩。○悲涼可涕。方今明明在上。行將見民政之美。那美蠲皇之

第二圖麥實化為蝶

去年播麥種。今歲成麥秋。去年到今歲。勞劬無時休。纔及秋成日。又逢陰雨稠。腐艸化為螢。蒼鷹化為鳩。物化順其性。於我復奚尤。如何麥化蝶。長作黎元憂。

第三圖苦旱禱雨

高田已焦土。低田龜兆拆。數旬天不雨。井涸川亦竭。秔稻盡枯萎。人民亦槁瘠。所恃唯有神。禱祀朝復夕。

徒見炎毒熾。未蒙一滴澤。我意咎祝融。何爾肆其虐。人言在席上。更有老旱魃。

所恃句見氓之魚魚尤可憫。妙甚。○結出于人意表。妙妙。

第四圖大風傷禾稼

禾稼秋將熟。青黃滿田疇。灌溉功已遂。耘耔事暫休。家家共相祝。屈指待獲收。一朝天氣惡。四見頑雲浮。須臾狂風起。激怒聲飈飈。天地為震撼。禍患及幾州。禾偃無可起。慘怛奈此憂。為問牧民吏。預備有方不。

刺骨之言

第五圖驅蝗

食根謂之蝨。食節謂之賊。有螟又有蠶。要皆蝗之屬。驅蝗或捕蝗。各土因舊俗。鐘鼓響郊野。燈炬光赫赫。有似兒童戲。安知慘心極。我聞蝗之生。原由吏貪黷。吏胥覩無慚。蒼生被其毒。所以仁賢主。撰能任其職。

突兀而起。極五古之妙。

第六圖洪水暴漲

大哉水之利。甚哉水之害。當其順流時。可漕又可溉。家國富強基。萬世共之賴。當其一潰決。湍悍無可制。

膏腴萬頃田。轉瞬付滂泮。旱蝗雖為災。暴激是其最。念彼汧河民。哀號望救濟。三復瓠子歌。惻惻足悲慨。欽仰夏禹功。千載誰能繼。

余在越。屢見信水之害。其慘但不可說。嗚乎。神禹邈矣。焉得一起蕃山翁于九原。俱論利害也哉。

第七圖流民乞食

人皆有入心。誰甘嗟來食。窮困折其氣。凍餓摧其節。既無羞耻心。狗彘同其屬。搖尾且帖耳。匍匐蹊路側。富者唾不省。貧者救無力。浪浪何所之。死亡在旦夕。

邑有流亡。愧俸錢。伺翁蓋其人。故作此詩。惻惻動人。

第八圖掘艸根剥樹皮

草根掘何苦。未掘淚先垂。樹皮剥更艱。未剥腹先飢。幼穉伴羸老。寡婦抱孩兒。嗒嗒如澤雁。相顧相歎咨。問渠汝何苦。丁壯獨何為。丁壯困力役。晨出夜未歸。夜歸晨復出。喘喘精力疲。困極或為黠。棄家輕別離。謀脫一身苦。不念妻兒悲。嗟哉太平日。不異擾亂時。使民至此極。其罪可歸誰。

造句朴直。如古樂府。讀之自能動人。此等妙手。非淺人之所能解。

牧民職見之。當面熱汗下也。

第九圖盜賊成群

小盜事穿箭。大盜更強奪。暴橫欺孤寡。抄掠恣桀黠。汝輩亦人耳。稟性何險猾。累累就拘囚。後先係刑辟。我思罔民語。緣由殆難說。盜祿私妻子。盜權禍家國。滔滔天下是。誰能行其罰。

非董狐筆。恐不能定其罰矣。方今太史堂堂立朝。誰能奮董狐筆者也。吁。

第十圖餓者相奪為食

人生食為命。無食斯無人。宜哉先王政。食在喪祭先。後世重貨財。視食如輕然。不重奪農時。不難廢民田。

一旦逢凶荒。餓者紛成群。攘臂相奪食。聲厲色怒瞋。已無鄰里好。豈知弟兄親。痛哉萬物靈。不及鳥與鷄。

丙寅冬幕府買西夷之米。僕慨然賦詩云。國無三年蓄。古謂非其國瑞穗。空美名。今買西夷食。今讀侗翁詩。亦與余同憂者矣。如輕然冷甚。○滿腹經綸。慨世如傷。

第十一圖 病苦凍餒極其慘

手脚瘠如柴。顏面垢如土。有病不得藥。無家何處歸。叩門索餒餘。挽袂訴困苦。唇焦而口燥。所得果幾許。安知情農徒。化為飢寒旅。或恐腹削餘。子父失其所。一飽終無期。在世亦何補。似聞鬼啾唧。自覺神淒楚。

不見互市場。酒肉飽點買。

一結妙。諷意隱然。

第十二圖 施穀粟賑窮困

油雲下沛雨。搗苗興勃然。善哉鄒孟語。一誦可喻人。如何大小吏。一年暴一年。只聞誅求急。不見撫育仁。物價日騰貴。歎怨聲相連。朝昏支無計。欺詐勢使然。忠良空切齒。憂懷何日伸。吾亦區區志。經濟希昔賢。安得如此圖。賑恤蘇斯民。

孟子七篇。真是人君必讀之書也。而聞方今大學校廢七篇。而不使人讀。何故也。奇怪奇怪。○

至此初出經濟字。結
收十二首作法妙甚。

鄭繪餘意終

十二首。反覆拜讀。句句珠玉。句句憂世。真是有韻之
民政策。居牧民之職者。宜寫一通。以置座右。而省觀
焉。僕亦嘗以政本在養民。此論豈迂濶為韻。作這樣
五古十篇。異日當寫以乞正耳。然倚玉之醜。不可拚。
慚愧。慚愧。

詩作於幕吏虐政之時。故句句含憤悶之氣矣。而方
今大政一新。救荒之詔已下。蒼生將蘇息。
是我輩之所以欣然。黽勉於王事也。獨惜湖山
先生。不抗議於朝廷。而為山中之宰相矣。然異日

大史氏有其人修國史則必有公論是亦余與先生所以吐氣也生前之窮達何足論哉吁

己巳秋鞠有黃花月於青天白日樓中蒲生重章子闇父梓識

此古詩一首其意甚佳且其辭亦不復
其辭亦不復其意甚佳且其辭亦不復
其意甚佳且其辭亦不復其意甚佳且其辭亦不復
其意甚佳且其辭亦不復其意甚佳且其辭亦不復
其意甚佳且其辭亦不復其意甚佳且其辭亦不復

拜讀此卷賦二絕奉呈

不寫湖山綺麗景却描閭巷
流亡民元來風雅原忠厚須
識詩人自有真
讀來毛骨為森然愧我豐衣
足食眠不覺良心忽發發白

思館欲捐金錢
窮辱却骨中邨
正宜恭豐本
熾發人自貧真
亦之月元來
半額中根聞著
不富時凶
耗費此奉
二
奉呈

余用心於救荒之事久矣而未奏其
效常以為恨琴谷生之作窮民圖
全出于余之囑也 湖山先生之有此
編亦將以輔余之志者乎拜誦一遍
喜得同志漫題

香邨山中弘庸

是時... 喜... 餘... 圖

詩可不必作而不可不作也... 世... 者... 甫石...

謂盛事矣三復之好高顯教語

甲戌秋日存菴生卯山淳叔淺



其大本餘者不精少則上之於九歲者
幸而國者則其初也其初也其初也
其初也其初也其初也其初也其初也
其初也其初也其初也其初也其初也
其初也其初也其初也其初也其初也
其初也其初也其初也其初也其初也
其初也其初也其初也其初也其初也
其初也其初也其初也其初也其初也

